

সারাদেশ

বিশ্ব পানিতে ডুবা প্রতিরোধ দিবসে কলাপাড়ায় আলোচনা সভা

প্রতিবেদক: পটুয়াখালী প্রতিনিধি

প্রকাশের তারিখ: রোববার, ৩০ আগস্ট ২০২৬, ০৫:২৩ PM



ছবি পটুয়াখালী প্রতিনিধি

আসুন, সবাই মিলে পানিতে ডুবে মৃত্যুর স্রোত থামাই। প্রতিপাদ্যকে সামনে রেখে বিশ্ব পানিতে ডুবা প্রতিরোধ দিবস উপলক্ষে পটুয়াখালীর কলাপাড়ায় আলোচনা সভা অনুষ্ঠিত হয়েছে।

মঙ্গলবার (৪ আগস্ট) দুপুর ১টায় উপজেলা পরিষদ সভাকক্ষে অনুষ্ঠিত সভায় সভাপতিত্ব করেন কলাপাড়া উপজেলা নির্বাহী কর্মকর্তা মোহাম্মদ আরিফুজ্জামান।

সেন্টার ফর ইনজুরি প্রিভেনশন অ্যান্ড রিসার্চ, বাংলাদেশ (সিআইপিআরবি)-এর উদ্যোগে এবং সোনামনি প্রকল্পের আয়োজনে অনুষ্ঠানে মূল প্রবন্ধ উপস্থাপন করেন সিআইপিআরবির গবেষণা ব্যবস্থাপক নোটন চন্দ্র দত্ত।

অনুষ্ঠানে বিশেষ অতিথি হিসেবে উপস্থিত ছিলেন উপজেলা প্রকল্প বাস্তবায়ন কর্মকর্তা মোকছেদুল আলম, উপজেলা সমাজসেবা কর্মকর্তা জহিরুল ইসলাম, উপজেলা মহিলা বিষয়ক কর্মকর্তা তাসলিমা আক্তার এবং কলাপাড়া থানার উপপরিদর্শক (এসআই) জাকির হোসেন।

আলোচনা সভায় বক্তারা বলেন, পানিতে ডুবে শিশু মৃত্যুর হার কমাতে অভিভাবকদের সচেতনতার পাশাপাশি শিশুদের সাঁতার শেখাতে উদ্বুদ্ধ করতে হবে। তারা বলেন, অভিভাবকদের সচেতনতা বৃদ্ধি পেলে পানিতে ডুবে শিশুমৃত্যুর সংখ্যা উল্লেখযোগ্যভাবে কমানো সম্ভব।

বক্তারা আরও বলেন, দেশে পানিতে ডুবে শিশু মৃত্যুর ঘটনা উদ্বেগজনক পর্যায়ে পৌঁছেছে। বিশেষ করে উপকূলীয় গ্রামাঞ্চলে এ ধরনের দুর্ঘটনা বেশি ঘটছে। এ মৃত্যুহার কমাতে কলাপাড়ায় সোনামনি প্রকল্প বিভিন্ন সচেতনতামূলক কার্যক্রম পরিচালনা করছে।

অনুষ্ঠানে সরকারি ও বেসরকারি বিভিন্ন দপ্তরের কর্মকর্তা, শিক্ষক, অভিভাবক এবং বিভিন্ন পেশার প্রতিনিধিরা উপস্থিত ছিলেন।

এ বিভাগের আরও খবর



সার্ভার হ্যাক করে এনআইডি-সিডিআরসহ গোপন তথ্য সরবরাহ, যুবক গ্রেপ্তার
নওগাঁর মাদ্যায় নির্বাচন কমিশনের সার্ভারে সংরক্ষিত নাগরিকদের ব্যক্তিগত ও গোপন তথ্য সংগ্রহ করে অর্থের বিনিময়ে সরবরাহের অভিযোগে মো. আব্দুস সালাম...



যৌতুকের জন্য গৃহবধুকে হত্যার অভিযোগ পরিবারের, গ্রেফতার দাবি
নীলফামারীতে যৌতুকের জন্য নাছরিন নাহার (৩৫) নামে এক গৃহবধুকে পরিকল্পিতভাবে হত্যা করা হয়েছে বলে অভিযোগ করেছে তাঁর পরিবার। এ ঘটনায় জড়িতদের প্র...



হাইকোর্টের নির্দেশে ইসলামী রীতিতে শুভ চন্দ্রের দাফন সম্পন্ন
অবশেষে হাইকোর্টের নির্দেশে ইসলামী রীতি অনুযায়ী দাফন করা হয়েছে ধর্মান্তরিত শুভ চন্দ্র দাস ওরফে মো. বিল্লালের মরদেহ।
রোববার রাতে নারায়ণগঞ্জ নগর...



পদ্মায় নিখোঁজ ছাত্রদল নেতা রকির মরদেহ উদ্ধার
কুষ্টিয়ার ভেড়ামারায় পদ্মা নদীতে নৌকা ভ্রমণে গিয়ে হাড্ডিগু রিজের পিলারের সঙ্গে ধাক্কা লেগে নিখোঁজ বিনাইদহের শৈলকুপার পৌর ছাত্রদলের সদস্য...

Copyright Dhaka Probe

অনলাইন সংস্করণ পড়তে ভিজিট করুন: <https://www.dhakaprobe.com/saradesh/bishb-panite-duba-ptirodh-dibse-klaparay-alochna-sbha>